

Reglur um dagþjónustu og aðstoð vegna atvinnu fyrir fatlað fólk

Markmið og markhópur

1. gr.

Samkvæmt lögum um málefni fatlaðs fólks nr. 59/1992 þá skulu starfræktar hæfingar- og endurhæfingarstöðvar, dagvistunarstofnanir og verndaðir vinnustaðir eftir því sem þörf er á. Einnig skal vera starfrækt atvinnuleit og starfsráðgjöf og veita skal fötluðu fólki aðstoð til að sinna störfum á almennum vinnumarkaði.

Markmið þjónustunnar er að draga úr áhrifum fötlunar og auka hæfni fatlaðs fólks til starfa og þátttöku í daglegu lífi.

2. gr.

Akureyrarbær sér um framkvæmd þjónustunnar á þjónustusvæði um málefni fatlaðs fólks í Eyjafirði á grundvelli samnings milli sveitarfélaganna Akureyrarkaupstaðar, Eyjafjarðarsveitar, Grýtubakkhrepps, Hörgársveitar og Svalbarðsstrandarhrepps. Á svæðinu er rekin hæfingarstöð, verndaður vinnustaður, starfsþjálfun er í boði og atvinna með stuðningi. Allir íbúar á samningssvæðinu eiga jafnan rétt til þjónustunnar að uppfylltum öðrum viðmiðum skv. reglum þessum.

Skipulag þjónustunnar

3. gr.

Þjónustan er ætluð þeim sem, vegna skertrar vinnugetu, þurfa sérstaka aðstoð við þátttöku á vinnumarkaði eða sérhæfð úrræði vegna fötlunar sinnar.

4. gr.

Sú þjónusta sem er í boði er:

Skógarlundur/Birkilundur, hæfingarstöð, sem er dagþjónusta fyrir fatlað fólk sem býr við verulega fötlun og þurfa þjálfun, afþreyingu og umönnun.

Plastiðjan Bjarg – Iðjulundur (PBI), sem er verndaður vinnustaður sem veitir þeim einstaklingum vinnu sem geta ekki eða óska ekki eftir að fara í vinnu á almennum vinnumarkaði. Þar fer enn fremur fram starfsþjálfun/starfsendurhæfing og mat á vinnugetu..

Atvinna með stuðningi (ams), veitir þeim sem hafa skerta vinnugetu víðtækan stuðning, aðstoð við að finna starf við hæfi ásamt eftirfylgd.

5. gr.

Ofangreindir aðilar eru í náinni samvinnu við Vinnumálastofnun og almenna félagsþjónustu í málum einstaklinga með skerta vinnugetu vegna þátttöku í atvinnulegri endurhæfingu.

Afgreiðsla umsókna

6. gr.

Allar umsóknir um dagþjónustu og aðstoð vegna atvinnu eiga að berast atvinnuteymi Fjölskyldudeildar Akureyrarbæjar á sérstökum eyðublöðum sem þar fást. Atvinnuteymið sem skipað er fulltrúum þjónustuaðila metur og afgreiðir allar umsóknir sem berast í samræmi við verklag atvinnuteymis.

7. gr.

Málskotsréttur

Telji umsækjandi á rétt sinn hallað skv. reglum þessum getur umsækjandi áfrýjað til félagsmálaráðs Akureyrar innan fjögurra vikna frá því honum barst vitneskja um ákvörðun. Félagsmálaráð skal fjalla um umsókn og taka ákvörðun svo fljótt sem unnt er. Umsækjandi getur skotið ákvörðun félagsmálaráðs til úrskurðarnefndar félagsþjónustu og húsnæðismála, Hafnarhúsinu v/Tryggvagötu, Reykjavík. Skal það gert innan þriggja mánaða frá því að umsækjandi barst vitneskja um ákvörðun félagsmálaráðs.

.

Endurupptaka máls

8. gr.

Umsækjandi getur óskað þess að mál sé tekið til meðferðar á ný ef afgreiðsla félagsmálaráðs á umsókn hans hefur byggst á ófullnægjandi eða röngum upplýsingum um málsatvik eða ákvörðun hefur byggst á atvikum sem breyst hafa verulega frá því að ákvörðun var tekin. Beiðni um endurupptöku skal beina til bæjarráðs, innan 3ja mánaða frá birtingu ákvörðunar. Meti bæjarráð að lagaleg skilyrði endurupptöku séu fyrir hendi, er erindi um endurupptöku vísað til félagsmálaráðs til málsmeðferðar. Efnisatriði máls skulu ekki lögð fyrir bæjaráð.

Gildistími

9. gr.

Reglur þessar taka gildi frá og með 1. febrúar 2011.

Samþykkt í félagsmálaráði 6. febrúar 2006

Samþykkt í bæjarstjórn 21. febrúar 2006

Samþykkt í félagsmálaráði 12. janúar 2011

Samþykkt í bæjarstjórn 18. janúar 2011